

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-12834/18
Sarajevo, 06.08.2018.godine

Na temelju člana 25. i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a u skladu Pravilnikom o uslovima i načinu korištenja E-aukcije ("Službeni glasnik BiH 66/16), a na preporuku Komisije za javnu nabavku radova - putem otvorenog postupka, Općinski načelnik d o n o s i:

O D L U K U

o izboru najpovoljnijeg ponuđača u predmetu - Izvođenje radova na rekonstrukciji vodovodne mreže u ul. Numan Paše Čuprilića od spoja sa ul. Ibri Česke do spoja sa ul. Briješće brdo – dionica 3 (od rezevoara "Briješće" do ul. Briješće brdo)

I Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na rekonstrukciji vodovodne mreže u ul. Numan Paše Čuprilića od spoja sa ul. Ibri Česke do spoja sa ul. Briješće brdo – dionica 3 (od rezevoara "Briješće" do ul. Briješće brdo) putem otvorenog postupka, broj obavještenja 422-1-3-118-3-51/18 objavljen u Službenom glasniku br. 40/18 dana 15.06.2018.godine i na Portalu javnih nabavki Agencije za javne nabavke BiH dana 13.06.2018.godine, dodjeljuje se ponuđaču Konzorcij: "MANJO DOO SARAJEVO i BOSMAN DOO SARAJEVO", sa ukupnim iznosom ponude 103.304,84 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije sa preporukom za dodjelu ugovora u spisuu.

III Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV Obavezuju se ponuđači iz tačke I ove Odluke da u roku od 5 (pet) dana od zaprimanja iste, dostave dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona i dokumente navedene u podtački 3.3.2. tenderske dokumentacije koji se odnose na ekonomsku i finansijsku sposobnost i to kako je definisano podtačkom 3.5. tenderske dokumentacije.

Dokazi koje će dostaviti odabrani ponuđači moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na rekonstrukciji vodovodne mreže u ul. Numan Paše Čuprilića od spoja sa ul. Ibre Česke do spoja sa ul. Brijesće brdo – dionica 3 (od rezevoara “Brijesće” do ul. Brijesće brdo) br. 02/12-23-12834/18 od 11.06.2018.godine. Odlukom o pokretanju postupka javne nabavke, procjenjena vrijednost javne nabavke bez PDV-a iznosi 123.076,92 KM, a vrijednost nabavke sa uračunatim PDV-om iznosi 144.000,00 KM. Javna nabavka provedena je putem Otvorenog postupka za dostavu ponuda br. 422-1-3-118-3-51/18 objavljenom u Službenom glasniku br. 40/18 dana 15.06.2018.godine i na Portalu javnih nabavki Agencije za javne nabavke BiH dana 13.06.2018.godine.

Zapisnikom sa otvaranja ponuda od 04.07.2018.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene tri (3) ponude i to od sljedećih ponuđača: Bujice doo Konjic, Konzorcij: “Manjo doo Sarajevo i Bosman doo Sarajevo” i Mibral doo Sarajevo. Zapisnik sa otvaranja ponuda dostavljen ponuđačima na fax.

Komisija je usporedbom dostavljenih ponuda i tenderske dokumentacije, utvrdila da ponuda ponuđača: Bujice doo Konjic, ne ispunjava kvalifikacione uslove date u obavještenju o nabavci i tenderskoj dokumentaciji. Komisija je utvrdila da je ponuđač Bujice doo Konjic postupio suprotno uslovu traženom u podtački 3.4.2. stav b) i podtački 4.2. Sadržaj ponude, stav i) tenderske dokumentacije, a koji se odnose na dostavljanje dokaza od strane PIO ili MIO ili Porezne uprave. Ovim dokumentom je traženo da original ili ovjerena kopija ne smije biti starija više od 30 dana računajući od dana utvrđenog kao krajnji rok za predaju ponude. Podtačkom 4.5. tenderske dokumentacije kao krajnji rok za predaju ponuda određen 04.07.2018.godine, a dostavljeni dokument ponuđača Bujice doo broj 13-7/4-15-50-8679/18 izdat je dana 15.05.2018.godine. Iz navedenog, očigledno je da ponuđač nije dostavio dokument tražene valjanosti, te u vezi sa tim ova ponuda nije bila predmet dalje analize i vrednovanja.

Analizom dokumentacije preostale dvije (2) ponude Konzorcij: “Manjo doo Sarajevo i Bosman doo Sarajevo” i Mibral doo Sarajevo, Komisija je utvrdila da su obje prihvatljive i da ispunjavaju formalno-pravne i kvalifikacione uslove navedene u obavještenju o nabavci i tenderskoj dokumentaciji.

Komisija je izvršila i računsku kontrolu zaprimljenih ponuda, te utvrdila da je ponuda ponuđača Mibral doo Sarajevo računski ispravna, dok je kod ponuđača Konzorcij: “Manjo doo Sarajevo i Bosman doo Sarajevo” uočena sljedeća računska greška:

- Na stranici 13 ponude – “6.4 Izrada elaborata sa geodetskim snimkom...” stoji 278,15 1,20 556,30, a treba da stoji 278,15 1,20 333,78);
- Na stranici 13 ponude – “UKUPNO OSTALI RADOVI” stoji 16.325,28 , a treba da stoji 16.102,75;
- Na stranici 14 ponude – “6. OSTALI RADOVI” stoji 16.325,28 , a treba da stoji 16.102,75;
- Na stranici 14 ponude – “UKUPNO” stoji 85.945,58, a treba da stoji 85.723,05;

Navedena računska greška, uticala je na ukupan iznos nepredviđenih radova (3%) koji nakon korekcije iznosi 2.571,69 i iznos PDV-a tako da nakon korekcije PDV iznosi 15.010,11, a ukupna cijena ponude sa PDV-om nakon izvršene računске kontrole iznosi 103.304,84 KM.

U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočene računске greške. Aktom br. 106-18 od 06.07.2018.godine ponuđač je dao saglasnost na uočenu računsku grešku.

Nakon što je Komisija utvrdila da su navedene dvije ponude računski ispravne, utvrđena je preliminarna rang lista istih:

1. Konzorcij: "Manjo doo Sarajevo i Bosman doo Sarajevo".....ukupno ponuđena cijena iznosi 88.294,74 KM bez PDV-a, odnosno 103.304,84 KM sa uračunatim PDV-om
2. Mibral doo Sarajevo.....ukupno ponuđena cijena iznosi 93.224,03 KM bez PDV-a, odnosno 109.072,12 KM sa uračunatim PDV-om

Na osnovu tačke 1.5. podtačka 1.5.5. tenderske dokumentacije, kojom je predviđeno provođenje e-aukcije, a u skladu sa Pravilnikom o uslovima i načinu korištenja E-aukcije ("Službeni glasnik 66/16), Komisija je zakazala e-aukciju na Portalu javnih nabavki dana 01.08.2018.godine u 14:00 sati sa početnim predviđenim trajanjem iste od 10 minuta. Nakon okončane e-aukcije za predmetnu nabavku, a na osnovu dobivenog „Izveštaja o toku i završetku e-aukcije“, Komisija je utvrdila da nijedan od prijavljenih ponuđača, nije učestvovao na aukciji, tako da je preliminarna lista ujedno i konačna rang lista i to kako slijedi:

1. **Konzorcij: "Manjo doo Sarajevo i Bosman doo Sarajevo".....**ukupno ponuđena cijena iznosi 88.294,74 KM bez PDV-a, odnosno 103.304,84 KM sa uračunatim PDV-om
2. **Mibral doo Sarajevo.....**ukupno ponuđena cijena iznosi 93.224,03 KM bez PDV-a, odnosno 109.072,12 KM sa uračunatim PDV-om

Shodno članu 64. Zakona stav b), Komisija je izvršila ocijenu zaprimljenih ponuda, shodno kriteriju najniža cijena (tačka 5.1. tenderske dokumentacije - najniža cijena) i utvrdila da je ponuda ponuđača Konzorcij: "Manjo doo Sarajevo i Bosman doo Sarajevo", ocjenjena kao najpovoljnija sa ponuđenom cijenom za ugovor u iznosu od 103.304,84 KM sa uračunatim PDV-om.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o otvaranju ponuda, Izveštaj o toku i završetku E-aukcije i Zapisnik o pregledu i preporuka Komisije za dodjelu ugovora. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđač/i koji je sudjelovao u postupku nadmetanja može radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila/
Enisa Bačić, dipl. pravnik

Dostaviti:

1. Ponuđač/ima- učesnicima postupka
2. Služba za zajedničke poslove
3. A r h i v i / u spis



Općinski načelnik
mr. Semir Efendić